


Descubre a brisa, o aroma e a historia da ría de Vigo: puro atlántico no que a singular paisaxe natural se fusiona coa presenza de castros, mosteiros ou castelos que vixiaron e protexeron o lugar de ameazas descoñecidas que chegaban do océano.

A ría de Vigo foi tamén escenario do activo comercio marítimo, especialmente estratéxico nas rutas entre Europa e América, así como unha baía en calma, ideal para o cultivo de moluscos.


Mergúllate no puro Atlántico percorrendo as poboacións de Oia, Nigrán, Baiona e Redondela. A ría de Vigo é un anaco de Atlántico que entra na terra e crea recunchos, enseadas, baías e fondeadoiros. É un paraíso natural, con fermosas illas coma as Cíes, un espazo de alto valor ecolóxico con augas cristalinas e praias de area fina que, grazas ás súas montañas, protexe a ría das furiosas tormentas atlánticas. A calma marítima da ría favorece a instalación de bateas para a produción de mexillóns e outros mariscos, un tesouro gastronómico que marida á perfección cos excelentes viños da D. O. Rías Baixas.

A ría de Vigo tamén está repleta de historias. A súa posición estratéxica motivou que a vixilancia do litoral fose un labor imprescindible na Idade do Ferro, co establecemento de castros aliñados e estratexicamente situados na liña de costa, e tamén en épocas máis recentes, coa construción do castelo de Monterreal, que protexe a entrada á ría, ou do mosteiro de Oia, un cenobio fortificado xunto ao mar.

Ademais, o océano Atlántico foi o camiño de retorno de arriscadas expedicións e de valentes mariñeiros. Testemuño diso é a Casa da Navegación, en Baiona, que relata feitos históricos tan relevantes coma o de ser o primeiro lugar europeo que recibiu a noticia do Descubrimento de América. A ría foi tamén porta de entrada de saqueos ou invasións, coma a famosa batalla naval de Rande en 1702, na que unha expedición anglo-holandesa saqueou a ría de Vigo.



- 1 - Redondela
- 2 - Nigrán
- 3 - Baiona
- 4 - Oia



MUSEOS

8 Casa da Navegación

Situada na Casa Carvajal, mostra a evolución histórica, urbana e social da Real Vila de Baiona, así coma o protagonismo do seu porto nas rutas de navegación atlántica. Unha das pezas expostas de máis interese é a reprodución da carabela Pinta, que, no ano 1493, chegou ao porto de Baiona procedente de América.

9 Museo da Carabela Pinta

Réplica da embarcación que permanece amarrada no porto de Baiona. No seu interior pódense descubrir detalles sobre a tripulación e sobre a carga que chegou a este porto no ano 1493: metais, plantas, alimentos, animais exóticos...

12 Meirande. Centro de Interpretación da Batalla e do Patrimonio de Rande

Situado nunha antiga fábrica conserveira, mostra o patrimonio asociado coa ría de Vigo. A recreación de varias batallas, especialmente a de Rande en 1702, reforza a importancia estratéxica da ría.

OUTROS PUNTOS DE INTERESE

1 Monasterio de Santa María de Oia

Construíuse no século XII en primeira liña de costa. As continuas reformas achegaron ao conxunto elementos arquitectónicos románicos, góticos e barrocos. Destaca o seu carácter fortificado, pois no século XVI foi lugar de defensa da costa e refuxio de barcos.

2 Castro da Cabeciña

Poboado rodeado dunha muralla monumental situado nun outeiro desde a que se obtén un importante control sobre o Atlántico. No exterior da muralla pódense ver varios gravados rupestres con combinacións circulares incompletas engarzadas unhas con outras.

6 Conxunto histórico-artístico de Baiona

Declarado Conxunto Histórico-Artístico, percorrendo as súas empedradas rúas descóbreanse casaróns señoriais,

coma o pazo de Correa, do século XVIII, o cruceiro da Trindade, do século XV, ou a excolexiata de Santa María, de aspecto fortificado e construída no século XIII.

7 Festa da Arribada (Baiona)

Festa de Interese Turístico Internacional que ten lugar a primeira fin de semana de marzo e na que se conmemora a chegada da carabela Pinta a Baiona no ano 1493, a primeira noticia que se tivo do Descubrimento de América. A festa enche as rúas de música, mercados e actividades. Escenifícase o relato que Martín Alonso Pinzón lle transmitiu ao corrixidor de Baiona.

10 Arco de San Xoán de Panxón

Arco de ferradura, un dos poucos exemplos de arte prerrománico en Galicia que debeu de pertencer a un templo do século X que non se conservou.

11 Templo Votivo do Mar

Deseño en granito do arquitecto Antonio Palacios edificado entre 1932 e 1937 e consagrado á Virxe do Carmen. Nel mestúranse notas arquitectónicas de inspiración gótica, modernista e mesmo musulmá.

MOMENTOS GASTRONÓMICOS

3 Festa do Ourizo (Oia)

Festa que promociona o ourizo de mar que ten lugar na localidade de Oia no mes de abril. Degústanse ourizos de mar, extraídos das costas de Oia, crus, cocidos ou á brasa e acompañados de pan de millo e viño do país.

13 Festa do Choco (Redondela)

Festa de Interese Turístico de Galicia que ten lugar durante a primeira quincena de maio para promocionar o choco, elaborado segundo distintas receitas: desde as máis tradicionais, coma a empanada ou o arroz con chocos, ata algunhas máis innovadoras, coma os chocos con *fabes*.

ENCLAVES NATURAIS

4 Serra da Grova

Montes rochosos xunto á costa cubertos de matogueira baixa, con piñeiros e carballos nos vales. Esténdese polas poboacións de Tomiño, A Guarda, Oia, Baiona e Gondomar, con puntos coma o monte Lousado, o Alto da Grova ou A Pedra da Gata, que ofrecen vistas panorámicas de gran beleza.

5 Cabo e faro Silleiro

É un enclave único e estratéxico no que se construíu un faro en 1862 que tivo que trasladarse no ano 1924 a unha posición máis elevada. No lugar tamén se conservan baterías militares e sábese que no ano 1949 naufragou alí o navío Thalassa, con pasaxeiros que fuxían da Segunda Guerra Mundial.

14 Monte da Peneda - castelo de Castrizán (Redondela e Soutomaior)

Montículo que, preto do río Verdugo, ofrece un dominio visual excepcional da entrada da ría de Vigo, das súas ribeiras e mesmo das illas Cíes. Achouse a necrópole megalítica de Cortello dos Mouros e a Mámoa do Rei. Foi ocupado por un castro da Idade do Ferro e, no ano 1477, o bispo de Santiago, Alonso Fonseca, construíu un castelo. Posteriormente, na súa cima construíuse unha ermida dedicada á virxe da Peneda.

15 Illa de San Simón

Situada no extremo interior da ría de Vigo, agora deshabitada, foi declarada espazo protexido e foi escenario de sucesivos ataques piratas e batallas. Foi ocupada por un mosteiro en época medieval, por un lazareto no século XIX e por unha prisión durante o franquismo. Actualmente acolle un centro de recuperación da memoria histórica.

MÃIS SUXESTIÃ³NS

OUTROS PUNTOS DE INTERESE

Virxe da Rocha

É o monumento máis destacado de Baiona, deseñado en granito sobre as rochas do monte Sansón polo arquitecto Antonio Palacios e inaugurado no ano 1930. Con 15 metros de altura, representa a Virxe, que sostén unha barca e é un miradoiro ao cal se accede por unha escaleira.

Fortaleza de Monterreal

Situada no porto de Baiona, controla a entrada á ría de Vigo. Conserva elementos de época medieval e ata o século XVIII e destaca a súa monumental muralla de ameas flanqueada por torres e garitas. Actualmente aloxa o Parador de Baiona.

Excolexiata de Santa María de Baiona

O templo, cuxa construción se iniciou no ano 1287, presenta un aspecto sobrio e fortificado, é de estilo románico e conta cunha sinxela fachada na que destaca o rosetón. Converteuse en colexiata no ano 1482 aínda que no ano 1850 deixou de selo.

Pazo Torres de Agrelo (Redondela)

Casona que se construíu no século XIX sobre os restos dun antigo mosteiro, rodeada duns magníficos xardíns con vistas á ría de Vigo. Nestes xardíns pódese admirar un exemplar centenario de Camellia sasanqua 'Barão de Soutelinho', considerada probablemente a Camellia sasanqua máis antiga de Europa.

Talaso Atlántico 🇵🇹

Faro Silleiro, s/n, 36309 Oia

Teléfono: [+34 986 385 090](tel:+34986385090)

Web: <https://www.talasoatlantico.com/es/talasoterapia-recorrido-marino.html>

MOMENTOS GASTRONÓMICOS

Festa da Rosquilla (Gondomar)

Evento que ten lugar no mes de xullo para promocionar unha das sobremesas tradicionais desta localidade: as rosquillas, de follado, de anís ou brancas, que se elaboran á maneira artesanal. Concursos, actividades e música completan a festa.

ENCLAVES NATURAIS

Paseo do Monte Boi

Paseo, de máis de 2 quilómetros, que percorre a península do Monte Boi, rodea o castelo de Monterreal e transita por praias e calas con vistas espectaculares. Durante o paseo, dotado con área de descanso e miradoiros, pódense descubrir baterías militares ou percebeiros.

Esteiro da Desembocadura do río Miñor

Espazo protexido no que converxen as mareas do Miñor e os arroyos de Grova e Belesar. É unha zona de marismas cunha gran biodiversidade. Desde o observatorio de Sabarís obsérvase unha gran variedade de aves acuáticas.

Praia América (Nigrán) 

Praia de Panxón (Nigrán) 

Praia de Patos (Nigrán) 

Praia Barbeira (Baiona) 

Praia Concheira (Baiona) 

Praia de Frades (Baiona) 

Praia Ladeira (Baiona) 

Praia Ribeira (Baiona) 

Praia Santa Marta (Baiona) 